

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst («Službene novine Zeničko-dobojskog kantona», broj 7/10), Vlada Zeničko-dobojskog kantona, na prijedlog Ministarstva zdravstva, na nastavku 93. sjednice, održanom 14.12.2012. godine, donosi

ZAKLJUČAK

I.

Utvrđuje se Prijedlog Odluke o Izmjenama i dopunama Finansijskog plana Zavoda zdravstvenog osiguranja Zeničko-dobojskog kantona za 2012. godinu.

II.

Prijedlog Odluke iz tačke I. ovog zaključka upućuje se u dalju skupštinsku proceduru.

III

Zaključak stupa na snagu danom donošenja.

Broj: 02-_____/12.
Datum, 14.12.2012. godine
Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo zdravstva,
1x Zavod zdravstvenog osiguranja
(putem ministarstva),
1x Stručna služba Skupštine,
1x a/a

PRIJEDLOG

Na osnovu člana 37. stav 1. tačka g) Ustava Zeničko-dobojskog kantona i člana 18. i 19. Zakona o budžetima u Federaciji Bosne i Hercegovine («Sl. novine Federacije Bosne i Hercegovine«, broj: 19/06, 76/08, 5/09, 32/09, 51/09, 9/10, 36/10, 45/10 i 25/12), Skupština Zeničko-dobojskog kantona, na sjednici _____ održanoj _____ donijela je:

O D L U K U

**o davanju saglasnosti na Izmjene i dopune Finansijskog plana
Zavoda zdravstvenog osiguranja Zeničko-dobojskog kantona
za 2012. godinu**

I

Daje se saglasnost na Izmjene i dopune Finansijskog plana Zavoda zdravstvenog osiguranja Zeničko-dobojskog kantona za 2012. godinu.

II

Ova Odluka stupa na snagu danom donošenja i objavit će se u »Službenim novinama Zeničko-dobojskog kantona«.

Broj: _____
Zenica , _____ 2012.godine

PREDSJEDAVALAČI

Sretko Radišić

O B R A Z L O Ž E N J E

Pravni osnov i razlozi za donošenje

Pravni osnov sadržan je u članu 18. Zakona o budžetima u Federaciji Bosne i Hercegovine ("Službene novine Federacije BiH", broj: 19/06, 76/08, 5/09, 32/09, 51/09, 9/10 i 36/10, 45/10 i 25/12) kojim je regulisano da finansijski plan izvanbudžetskog fonda donosi nadležni organ utvrđen zakonom, odnosno aktom tog fonda na način predviđen tim propisima i pod uvjetima određenim ovim Zakonom.

Članom 23. stav 4. Zakona o budžetima u Federaciji Bosne i Hercegovine regulisano je da se svaka izmjena i dopuna budžeta vrše po istom postupku koji se primjenjuje kod usvajanja budžeta.

Članom 103. Zakona o zdravstvenom osiguranju ("Službene novine Federacije BiH", broj: 30/97, 7/02, 70/08 i 48/11) utvrđeno je da Upravni odbor Zavoda zdravstvenog osiguranja donosi finansijski plan i završni račun.

Objašnjenje predloženih pravnih rješenja

Članom 23. stav 6. Zakona o budžetima u Federaciji Bosne i Hercegovine utvrđeno je da se izmjenama i dopunama budžeta koje usvoji Parlament na prijedlog Vlade, ponovo uravnotežuju prihodi i primici, odnosno rashodi i izdaci budžeta.

Članom 24. Zakona o budžetima u Federaciji Bosne i Hercegovine regulisano je da se odredbe člana 9. do 23. ovog Zakona shodno primjenjuju kod izrade i donošenja budžeta kantona, gradova i općina i finansijskih planova njihovih izvanbudžetskih fondova.

Upravni odbor Zavoda zdravstvenog osiguranja Zeničko-dobojskog kantona na svojoj 4. sjednici održanoj dana 10.12.2012. godine, usvojio je Prijedlog Izmjena i dopuna Finansijskog plana Zavoda zdravstvenog osiguranja Zeničko-dobojskog kantona za 2012. godinu.

Iz navedenog proizilazi da je potrebno da Skupština Zeničko-dobojskog kantona donese predloženu Odluku o davanju saglasnosti na Izmjene i dopune Finansijskog plana Zavoda zdravstvenog osiguranja Zeničko-dobojskog kantona za 2012. godinu.

PRIJEDLOG

Na osnovu člana 18. stav 1. i člana 23. stav 4. Zakona o budžetima u Federaciji Bosne i Hercegovine ("Službene novine Federacije BiH", broj: 19/06, 76/08, 5/09, 32/09, 51/09, 9/10, 36/10, 45/10 i 25/12) i člana 103. Zakona o zdravstvenom osiguranju ("Službene novine Federacije BiH", broj: 30/97, 07/02, 70/08 i 48/11), Upravni odbor Zavoda zdravstvenog osiguranja Zeničko-dobojskog kantona, na četvrtoj sjednici, održanoj 10.12.2012. godine, donosi:

**IZMJENE I DOPUNE FINANSIJSKOG PLANA
Zavoda zdravstvenog osiguranja Zeničko-dobojskog kantona
za 2012.godinu**

**Član 1.
(Predmet)**

Ovim Finansijskim planom utvrđuje se izmjenjeni i dopunjeni obim prihoda i rashoda Zavoda zdravstvenog osiguranja Zeničko – dobojskog kantona (u daljem tekstu: Zavod) za 2012. godinu i to:

PRIHODI:	146.619.250
RASHODI:	146.619.250
VIŠAK/MANJAK:	0

**Član 2.
(Glavni dio)**

Prihodi i rashodi utvrđuju se u Bilansu prihoda i rashoda za 2012. godinu, kako slijedi:

A – PRIHODI/PRIMICI

R/B	OPIS	Ekonomski kod	Finansijski plan 2012	Dopuna F.P. 2012	Izmjenjeni F.P. Za 2012 (4+5)	INDEX(6/4)
1	2	3	4	5	6	7
I.	POREZNI PRIHODI					
1	Doprinos za zdr.osig.-plaće	712111	129.270.000	-14.169.600	115.100.400	89,0
2	Doprinos za određene korisnike-budžet kantona	712134	300.000	200.000	500.000	166,7
3	Doprinos za zdr. osig. privr. nezaposl.- zavod zapošljavanja	712133	3.179.000	-285.000	2.894.000	91,0
4	Doprinos za zdr. osig. penzionera-zavod PIO/MIO	712131	2.520.000	-215.000	2.305.000	91,5
5	Doprinos za zdr.osig. iz ranijih godina po sporazumima	712111	450.000	-445.000	5.000	1,1
6	Prihodi od INO osiguranja	712191	3.700.000	3.600.000	7.300.000	197,3
7	Doprinos od povremenog obavljanja samostalne djelatnosti	712116	313.000	120.000	433.000	138,3
I.	SVEGA POREZNI PRIHODI:		139.732.000	-11.194.600	128.537.400	92,0
II.	NEPOREZNI PRIHODI					
8	Prihodi od particip. za zdr. usluge	722613	1.280.000	-270.000	1.010.000	78,9
9	Prihodi od prodaje obrazaca	722611	60.000	-56.000	4.000	6,7
10	Prihodi od zakupnina	721120	28.500	-1.900	26.600	93,3
11	Prihodi od kamata	721211	5.000	-2.000	3.000	60,0
12	Ostali prihodi	722700	30.000	-25.000	5.000	16,7
II.	SVEGA NEPOREZNI PRIHODI:		1.403.500	-354.900	1.048.600	74,7
III.	PRIMICI					
13	Primici	814332	0	17.033.250	17.033.250	0,0
III.	SVEGA PRIMICI		0	17.033.250	17.033.250	0,0
III.	UKUPNI PRIHODI (I+II+III):		141.135.500	5.483.750	146.619.250	103,9

B – RASHODI/IZDACI

R/B	OPIS	Ekonomski kod	Finansijski plan 2012	Dopuna F.P. 2012	Izmjenjeni F.P. za 2012 (4+5)	INDEX (6/4)
1	2	3	4	5	6	7
I.	TEKUĆI RASHODI ZDRAVSTVENE ZAŠTITE					
1	Bolnička zdravst. zaštita-kanton	613945	43.001.200	-666.200	42.335.000	98,5
2	Zdravst. zaštita van kantona	613941-613946	9.500.000	300.000	9.800.000	103,2
3	Prim zdravst. zašt. štićenika u spec. zavodima	613941	760.000	0	760.000	100,0
4	Zdravst. zaštita van kantona-spec.bolnice	613946	520.000	35.000	555.000	106,7
5	Zdravst. zaštita u inostranstvu - konvencije	613948	3.523.300	2.401.700	5.925.000	168,2
6	Zdr.zašt. INO-odluke Zavoda	613948	400.000	-200.000	200.000	50,0
7	Primarna zdravst. zaštita-kanton	613941	36.730.000	-1.195.000	35.535.000	96,7
8	Preventivna zdravst.zaštita	613941	1.155.000	383.000	1.538.000	133,2
9	Konsult.spec.zdravst.zaštita-kanton	613943	10.500.000	-11.000	10.489.000	99,9
10	Lijekovi sa esencijalne liste	613421	20.000.000	1.100.000	21.100.000	105,5
11	Lijekovi po posebnomodobrenju	613421	150.000	240.000	390.000	260,0
12	Ortopedske sprave i pomagala	613425	3.500.000	0	3.500.000	100,0
13	Refundacija plaća-bolovanja	614251	6.000.000	2.150.000	8.150.000	135,8
14	Tekuće potpore zdravs.ustanovama	614175	350.000	-340.000	10.000	2,9
15	Finans. J.U. Za liječenje ovisnosti	614175	950.000	-23.750	926.250	97,5
16	Ustupljena participacija	614311	640.000	-640.000	0	0,0
17	Grant zdr.ustanovama za informatizaciju	615120	350.000	-350.000	0	0,0
18	Kapitalni grant zdravst. ustanovama	615121	0	1.555.000	1.555.000	0,0
I.	SVEGA TEKUĆI RASHODI ZDR. ZAŠTITE:		138.029.500	4.738.750	142.768.250	103,4
II.	OSTALI RASHODI					
19	Neto plate i naknade	611111	1.010.000	186.000	1.196.000	118,4
20	Doprinosi iz plata	611000	540.000	-64.000	476.000	88,1
21	Doprinosi poslodavca	612000	173.000	15.000	188.000	108,7
22	Materijalni troškovi	613000	600.000	0	600.000	100,0
23	Upravni odbor	613974-613988	38.000	3.000	41.000	107,9
24	Ljekarske komisije	613974-613988	245.000	25.000	270.000	110,2
25	VANDREDAN RASHOD	614811	0	590.000	590.000	0,0
II.	SVEGA OSTALI RASHODI:		2.606.000	755.000	3.361.000	129,0
III.	KAPITALNI IZDACI					
26	Nabavka računara i softver (TREZOR)	821000	150.000	-10.000	140.000	93,3
III.	SVEGA KAPITALNI IZDACI:		150.000	-10.000	140.000	93,3
IV.	SVEGA RASHODI I IZDACI (I+II+III):		140.785.500	5.483.750	146.269.250	103,9
V.	REZERVA		350.000	0	350.000	100,0
V.	UKUPNI RASHODI I IZDACI (I+II+III+V):		141.135.500	5.483.750	146.619.250	103,9

Član 3.
(Opći principi)

Sredstva zdravstvenog osiguranja ostvaruju se uplatom doprinosa za obavezno zdravstveno osiguranje u skladu sa Zakonom o doprinosima ("Službene novine Federacije BiH", broj: 35/98, 54/00, 16/01, 37/01, 01/ 02, 17/06, 14/08 i 19/08).

Član 4.
(Prava i obaveze)

Kantonalni zavod, kao nosilac izvanbudžetskog fonda provodi izvršenje ovog plana ostvarujući funkcije prikupljanja i trošenja sredstava, uključujući i propisane postupke kontrole, evidentiranja i izvještavanja.

Član 5.
(Ovlaštenja)

- (1) Realizacija pozicije – 614175 – tekuće potpore zdravstvenim ustanovama provodi se na osnovu kriterija koje utvrđuje Ministar zdravstva Zeničko-dobojskog kantona.
- (2) Realizacija pozicije – 614175 – učešće u finansiranju JZU Kantonalni zavod za borbu protiv bolesti ovisnosti vršit će se na osnovu Odluke Vlade Zeničko-dobojskog kantona.

Član 6.
(Primjene odredbi)

U slučaju ispunjenja uslova iz članova 108. Zakona o zdravstvenom osiguranju ("Službene novine Federacije BiH", broj: 30/97, 7/02, 70/08 i 48/11) Budžet Kantona će izvršiti pokriće deficita Zavoda zdravstvenog osiguranja.

Član 7.
(Završne odredbe)

Izmjene i dopune Finansijskog plana stupaju na snagu danom donošenja, a primjenjuju se od 01.01.2012.godine i biće objavljene u „Službenim novinama Zeničko – dobojskog kantona“.

Broj: 01-100-4-32/12
Zenica, 10.12.2012.god.

PREDSJEDNIK
UPRAVNOG ODBORA

Huseinagić dr. Emina

Izmjene i dopune Finansijskog plana Zavoda zdravstvenog osiguranja za 2012. godinu

Pravni osnov

Pravni osnov za provođenje postupka izmjena i dopuna Finansijskog plana Zavoda zdravstvenog osiguranja Zeničko – dobojskog kantona sadržan je u članu 18. i 23. Zakona o budžetima u Federaciji BiH (»Službene novine FBiH«, broj: 19/06, 76/08, 05/09, 32/09, 51/09, 09/10, 36/10, 45/10 i 25/12), članu 37. tačka 1. Ustava Zeničko – dobojskog kantona i članu 103. Zakona o zdravstvenom osiguranju (»Službene novine FBiH« broj: 30/97, 07/02, 70/08 i 48/11)

Razlozi provođenja izmjena i dopuna

Osnovni razlozi provođenja dopuna i izmjena Finansijskog plana Zavoda su:

- 1) Nivo i dinamika ostvarenih prihoda za I-IX 2012.godine
- 2) Nivo i dinamika ostvarenih rashoda i izdataka za I-IX 2012.godine
- 3) Procjena ostvarivanja prihoda za period X-XII 2012. godine
- 4) Procjena ostvarivanja rashoda i izdataka za period X-XII 2012.godine.
- 5) Izmjena propisa u vezi sa priznavanjem prihoda ("Uredba o računovodstvu budžeta u FBiH" - Sl.novine FBiH broj: 1/11, kao i dodatno tumačenje koje je Zavod dobio od strane Ministarstva finansija FBiH od 27.07.2012. godine gdje stoji da "samo prihodi koji su evidentirani u izvodu banke pod 31.12. odnosno koji su prispjeli na JRT pod tim datumom, smatraju se prihodima te fiskalne godine").

Izmjene i dopune planiranih prihoda

Planirani prihodi za 2012. godinu utvrđeni Finansijskim planom Zavoda zdravstvenog osiguranja Zeničko-dobojskog kantona, iznosili su 141.135.500 KM, a plan za 2011. godinu 136.739.923 KM. Planirani prihod u 2012. godini u odnosu na plan iz 2011. godine veći je za 4.400.577 KM.

Ostvareni prihodi za prvih IX mjeseci 2012. godine su veći u odnosu na isti period 2011. godine za 943.883 KM primjenjujući propise koji su važili u 2011. godini.

Primjenom novih propisa o priznavanju prihoda ostvareni januarski prihod u iznosu od 9.612.420 KM se neće moći knjžiti kao prihod tekuće godine pošto je već proknjižen u 2011. godini.

Doprinosi na i iz plaća su rebalansom umanjeni za 14.169.600 KM. Glavni razlozi ovog umanjenja su sljedeći: nemogućnost knjživanja prihoda iz januara 2012. godine u iznosu od 9.612.420 KM i precjenjeni finansijski plan sa

stanovišta prihoda u iznosu od 4.557.180 KM što ukupno iznosi 14.169.600 KM.

Zavod zdravstvenog osiguranja primjenjuje princip modifikovanog (akrualnog) nastanka događaja od 1999. godine. Po modifikovanom principu prihodi su se priznavali sa 31.12. tekuće godine, što je uključivalo i prihode koji su uplaćeni ubrzo nakon toga (do 31.01.) npr. doprinosi za decembarske plate iz prošle godine se obračunavaju i plaćaju u januaru naredne godine. Kad je prvi put primjenjen ovaj princip Zavod je knjižio prihode za 13 mjeseci, a rashode za 12 mjeseci. Promjenom tumačenja modifikovanog principa knjiženja događaja sa stanovišta prihoda, Zavod će ove godine knjižiti prihode za 11 mjeseci, a rashode za 12 mjeseci. Važno je naglasiti da ovo smanjenje knjiženja prihoda u 2012. godini neće uticati na likvidnost Zavoda u smislu da neće moći servisirati svoje redovne ugovorne i druge obaveze koje prostiču iz Zakona o zdravstvenom osiguranju. Također, zbog primjene ovih novih propisa ne možemo računati na knjiženje prihoda po osnovu doprinosa za penzionere i privremeno nezaposlena lica za jednu mjesečnu tranšu.

Važno je istaći da je u 2012. godinu prenešen i knjižen prihod i rashod po osnovu paušala sa Republikom Hrvatskom za 2009. godinu u iznosu od 2.452.467 KM, iako je isti bio planiran za knjiženje u 2011. godini. Pored pomenutog obračuna zaprimljen je i planirani obračun prihoda za INO osiguranje sa Republikom Hrvatskom za 2010. godinu u iznosu od 2.522.581 KM, potom su naplaćena neplanirana sredstva od Republike Austrije, Njemačke i Holandije u iznosu od 1.107.680 KM, a do kraja ove godine očekuje se i uplata u iznosu od 1.200.000 KM od Republike Slovenije što je samo po sebi dovoljan razlog za korekciju ovih prihoda i što u konačnici djelimično kompenzira manjak sredstava ostvaren po osnovu doprinosa na plate.

Isto tako, na bazi devetomjesečnog ostvarenja izvršena je i korekcija neporeznih prihoda u ukupnom iznosu od -354.900 KM.

I pored činjenice većeg ostvarenja prihoda u odnosu na prošlu godinu, Zavod nije ostvario planirane prihode za 2012. godinu. Do kraja godine realno je očekivati ostvarenje prihoda od Budžeta kantona u iznosu od 500.000 KM, što će djelimično ublažiti iskazani podbačaj prihoda. Također se očekuje i nešto bolja naplata doprinosa po osnovu povremenog obavljanja samostalne djelatnosti, te smo tu prihodovnu poziciju pozitivno korigovali za 120.000 KM. U IV kvartalu prihodi su tradicionalno veći ali sve to neće biti dovoljno da neutrališe efekte smanjenja prihoda u odnosu na planirane.

Zakonom o budžetima u FBiH propisana je obaveza planiranja uravnoteženih prihoda i rashoda. Da bi ispunili propisanu zakonsku odredbu, Zavod je planirao primitke u iznosu od 17.033.250 KM čime je uspostavljena budžetska

ravnoteža prihoda/primitaka i rashoda/izdataka. Pokriće deficita u skladu sa Zakonom o budžetu može se izvršiti zaduživanjem.

Zavod zdravstvenog osiguranja je poduzeo određene radnje u cilju prevazilaženja ove situacije sa stanovišta likvidnosti i zaključio ugovore o plaćanju isporučenih lijekova na 7 mjeseci, inzulina na 4 mjeseca, liječenje van kantona 2 mjeseca, ortopedskih sprava i pomagala na 2 mjeseca. Na ovaj način riješen je problem likvidnosti, ali na Zavodu ostaje obaveza da uradi dugoročni plan sanacije. Zakonska regulativa o načinu knjigovodstvenog evidentiranja za Budžet je propisana, ali ista nije u cjelosti primjenjiva i za vanbudžetske fondove pošto primjenjujemo odredbe Zakona o budžetu u FBiH i Zakona o zdravstvenom osiguranju.

Izmjene i dopune planiranih rashoda

U odnosu na finansijski plan za 2012. godinu rashodi su uvećani za 3,9 %, odnosno za 5.483.750 KM, te isti po rebalansu ukupno iznose **146.619.250 KM**.

Već smo konstatovali da je finansijski plan preambiciozan. I pored ove činjenice Zavod zdravstvenog osiguranje je povećao rashode u finansijskom planu na sljedećim stavkama:

1. prenos dijela troškova iz 2011. godine u 2012. godinu na stavkama:
 - zdravstvena zaštita u inostranstvu – konvencije u iznosu od 2.401.700 KM (obračun sa Republikom Hrvatskom za 2009. godinu u iznosu 2.959.942 KM i manjeg ostvarenja u odnosu na plan u iznosu 558.242 KM),
 - prekoračenje naknade plaća za bolovanje preko 42 dana u iznosu od 2.150.000 KM od čega se na prenesene troškove iz 2011. godine i tužbe zbog odbijanja zahtjeva za refundaciju bolovanja preko 14 mjeseci odnosi 909.901 KM,
2. sredstva koja su utrošena, a nisu planirana finansijskim planom za 2012. godinu:
 - kapitalni grant zdravstvenim ustanovama u iznosu 1.553.337 KM,
3. prenos nadležnosti finansiranja usluga koronarografije sa federalnog na kantonalni nivo – liječenje van kantona (cca. 335.000 KM),
4. veće ostvarenje pojedinih stavki rashoda na čije izvršenje najmanje uticaja ima sam Zavod, a to su prije svega:
 - lijekovi sa esencijalne liste (1.100.000 KM)
 - lijekovi po posebnom odobrenju (240.000 KM)

Ukupni finansijski efekat ovih prekoračenja iznosi 7.781.700 KM.

Prateći ostvarenje prihoda i rashoda, Zavod zdravstvenog osiguranja je u toku 2012. godine poduzeo niz mjera na smanjenju rashoda. Na rashodovnoj strani obustavljene su u potpunosti ili djelimično isplate sljedećim stavkama: tekuće potpore zdravstvenim ustanovama, ustupljena participacija i grant zdravstvenim ustanovama za informatizaciju (finansijski efekat od 1.330.000 KM). Posljednja mjera koju je Zavod poduzeo jeste umanjeње ugovora sa zdravstvenim ustanovama za 2,5 %. Zakonski osnov za donošenje ove odluke je sadržan u članu 7. Odluke o osnovama, kriterijima i mjerilima za zaključivanje ugovora između Zavoda i zdravstvenih ustanova ("Sl. Novine Zeničko – dobojskog kantona" broj: 5/06, 3/08, 2/09 i 19/09), kao i u samim ugovorima sa zdravstvenim ustanovama u kojima postoji odredba o umanjeњу naknade za pružanje zdravstvene zaštite. Ukupan finansijski efekat ove mjere posmatran kroz rebalans finansijskog plana za 2012. godinu, odnosno kroz korekciju stavki bolničke zdravstvene zaštite u kantonu, primarne zdravstvene zaštite u kantonu, konsultativno – specijalističke zdravstvene zaštite, te kroz finansiranje JU "Zavod za borbu protiv bolesti ovisnosti i druge toksikomanije" iznosi -1.895.950 KM. Stavka preventivna zdravstvena zaštita je takođe umanjena, ali je zbog primjene novih standarda i mjerila od 01.01.2012. godine ostvarenje na ovoj stavci veće od finansijskog plana za 2012. godinu, te smo na toj stavci rebalansom imali de fakto uvećanje rashoda za 383.000 KM.

Vezano za ostale rashode i kapitalne izdatke, treba izdvojiti neto plate i doprinose, kao i vanredan rashod.

Neto plate i doprinosi su planirani u skladu sa preporukom Ureda za reviziju institucija u FBiH koja je izvršila reviziju poslovanja Zavoda za 2011. godinu (izvještaj broj: 05-07/12). Iste su planirane u skladu sa važećom sistematizacijom radnih mjesta (80 zaposlenika) Zavoda, Odlukom o utvrđivanju koeficijenata vrijednosti radnih mjesta, Kolektivnim ugovorom o pravima i obavezama poslodavca i zaposlenika u oblasti zdravstva za teritoriju FBiH ("Sl. Novine FBiH" broj: 61/07) i Pravilnikom o radu Zavoda. U skladu sa datom preporukom neto plate, naknade i doprinosi su korigovane rebalansom za 137.000 KM. U ova sredstva su uračunati i pripadajući doprinosi za 24 pripravnika koji obavljaju pripravniki staž u Zavodu. Odstupanje na stavci neto plata i naknada najvećim djelom je rezultat prenosa poreza na dohodak (cca. 55.000 KM) iz stavke doprinosa na plate na neto plate i naknade. Po preporukama ureda za reviziju institucija FBiH izvršena je popuna radnih mjesta i to: interni revizor u službi računovodstva i u pravnoj službi za javne nabavke. Pored toga, izvršena je i izmjena sistematizacije gdje je sistematizovano još jedno pomoćničko mjesto. Ove stavke skupa sa materijalnim troškovima službe Zavoda predstavljaju "cijenu koštanja Zavoda" i čine 1,89 % ukupnih troškova Zavoda.

Po zapisniku kantonalne revizije utvrđeno da je Zavod uknjižio prihode od Budžeta kantona iz prošlih godina, a koji nikad nisu naplaćeni. S tim u vezi

Zavod je izvršio korekciju i na ime vandrednih rashoda proknjižio ukupno 590.000 KM.

Za nabavku računara i softvera za trezorsko poslovanje planirano je 140.000 KM.

Na kraju treba spomenuti da je Zavod u skladu sa članom 106. Zakona o zdravstvenom osiguranju izvršio planiranje obavezne rezerve u iznosu od 350.000 KM.

Posmatrajući u cjelini rashode, evidentno je da su poduzete mjere (korekcija ugovora, obustavljanje isplata po pojedinim stavkama) samo djelimično dale rezultate na sanaciji viška rashoda. Na nekim stavkama rashodi su umanjeni, dok su na drugima višestruko uvećani. Tako da su efekti ovih smanjenja i povećanja rashoda u konačnici doveli do povećanja rashoda u odnosu na plan za 5.483.750 KM. Ostvareni višak rashoda u iznosu od 17.033.250 je rezultat niza faktora, a da nije bilo izmjene zakonske regulative vezano za priznavanje prihoda isti bi iznosio cca. 7.420.830 KM.

Namirenje ovih sredstava riješeno je zaduženjem čime je uspostavljen ravnotežni balans između prihodovne i rashodovne strane finansijskog plana. Na Zavodu ostaje zadatak da uradi dugoročni plan saniranja iskazanog deficita. Planiranjem primitaka zadovoljena je zakonska forma uravnoteženja prihodovne i rashodovne strane.

Zenica, decembar 2012.godine

*Zavod zdravstvenog osiguranja
Zeničko-dobojskog kantona
Zenica*